



白氏文集卷之七

題潯陽樓

常愛陶彭澤文思何高玄又恠韋江州詩  
情亦清閑今朝登此樓有以知其然大江  
寒見底匡山青倚天深夜溢浦月平旦鑪  
峯烟清輝與靈氣日夕供文篇我無二人  
才孰為來其間因高偶成句俯仰愧江山

訪陶公舊宅并序

予夙慕陶淵明為人往歲渭川閑居嘗有  
効陶體詩十六首今遊廬山經柴桑過栗  
里思其人訪其宅不能默也又題此詩  
垢塵不沾玉靈鳳不啄羶嗚呼陶靖節生  
彼晉宋間心實有所守口終不能言未推  
孤竹子拂衣首陽山夷齊各一身窮餓未  
為難先生有五男與之同飢寒腸中食不  
充身上衣不完連徵竟不起斯可謂貞賢

白氏文集卷之七

我生君之後相去五百年每讀五柳傳日  
想心拳上昔常詠遺風著為十六篇今來  
訪故宅森若君在前不慕樽有酒不慕琴  
無絃慕君遺榮利老死此丘園柴桑古村  
落栗里舊山川不見籬下菊但餘墟中烟  
子孫雖無聞族氏猶未迂每逢姓陶人使  
我心依然

北亭

廬宮山下州溢浦沙邊宅上北倚高岡迢  
迢數千尺上有青竹上間多白石茅亭  
居上頭豁達門四闢前楹卷簾箔北牖施  
床席江風萬里來吹我涼浙上日高公府  
歸巾笏隨手擲脫衣恣搔首坐卧任所適  
時傾一盃酒曠望湖天夕口詠獨酌謠目  
送歸飛翮慙死出塵操未免折腰役偶獲  
此閑居謬似高人跡

遊溢水

四月未全熱麥涼江氣秋湖山處上好最  
愛溢水頭溢水從東來一派入江流可伶  
似縈帶中有隨風舟命酒一臨汎捨鞍揚  
棹謳放迴岸傍馬去逐波間鷗烟浪始渺  
耿風襟亦悠上初疑上河漢中若尋瀛洲  
汀樹綠拂地沙草芳未休青蘿與紫萸枝  
蔓垂相縈繫纜步平岸迴頭望江州城雉  
映水見隱上如蜃樓日入意未盡將歸復  
少留到官行半載今日方一遊此地來何  
暮可以寫吾憂

荅故人

故人對酒嘆上我在天涯見我昔榮遇念  
我今蹉跎問我為司馬官意復如何荅云  
且勿嘆聽我為君歌我本蓬華人鄙賤劇  
泥沙讀書未百卷信口嘲風花自從筮仕

來六命三登科顧慙虛劣姿所得亦已多  
散負足庇身薄俸可資家省分輒自愧豈  
為不遇耶煩君對盃酒為我一咨嗟  
官舍內新開小池

簾下開小池盈上水方積中底鋪白沙四  
隅甃青石勿言不深廣但取幽人適泛灩  
微雨朝泓澄明月夕豈無大江清淺可狎  
弄昏煩聊漱滌最愛曉暝時一片秋天碧  
宿簡寂觀

岩白雲尚屯林紅葉初隕秋光引閑步不  
知身遠近夕役靈洞宿卧覺塵機泯名利  
心既忘市朝夢亦盡暫來尚如此况乃終  
身隱何以療夜飢一匙雲母粉

吾聞達士道窮通順冥數通乃朝廷來窮

即江湖去謝公才廓落與世不相遇壯志  
鬱不開須有所洩處洩為山水詩逸韻諧  
高趣大必籠天海細不遺草樹豈唯翫景  
物亦欲攄心素往匕即事中未能忘興諭  
因知康樂作不獨在章句

悄匕壁下牀紗籠耿殘燭夜半獨眠覺疑  
在僧房宿北亭獨宿

黑髮絲雪侵青袍塵土汗兀匕復騰匕江  
城一上佐朝就高齋上薰然負暄卧晚下  
小池前澹然臨水坐已約終身心長如今  
日過

晚望

江城寒角動沙洲夕鳥還獨坐高亭上西  
南是遠山

雪消冰又釋景和風復暄滿庭田地濕薺  
葉生牆根官舍悄無事日西斜掩門不開  
莊老卷欲與何人言

早春

何處春暄來微和生血氣上薰肌骨暢東  
窓一昏睡是時正月晦假日无公事爛熯  
不能休自午將及未緬思少健日甘寢常  
自恣一從衰疾來枕上無此味

春寢

後亭晝眠足起坐春景暮新覺眼猶昏無  
思心正住淡寂歸一性虛閑遺萬慮了然  
此時心無物可譬喻本是無有鄉亦各不  
用處行禪與坐忘同歸無異路

詠懷

盡日松下坐有時池畔行立與坐卧中

懷淡无營不覺流年過亦任白髮生不為  
世所薄安得遂閑情

下馬西林寺脩然進輕策朝為公府吏暮

是靈山客二月匡廬北冰雪始消釋陽叢  
抽茗芽陰竇洩泉脉熙上風土暖霽上雲

嵐積散作萬壑春疑為一氣碧身閑易澹  
泊官散無牽迫緬彼十八人古今同此適

是年淮寇起處上與兵革智士勞思謀戎  
臣苦征役獨有不才者山中弄泉石

出山吟

朝詠遊仙詩暮歌采薇曲卧雲坐白石山

中十五宿行隨出洞水迴別緣岩竹早晚  
重來遊心期瑶草綠

歲暮

已任時命去亦從歲月除中心一調伏外

累盡空虛名宦意已矣林泉計何如擬近東林寺溪邊結一廬

日出眠未起屋頭聞早鶯忽如上林曉萬

年枝上鳴憶為近臣時秉筆直承明春深

視草暇日暮聞此聲今聞在何處寂寞潯

陽城鳥聲信如一分別在人情不作天涯

意豈殊禁中聽

勁葉森利劍孤莖挺端標纔高四五尺勢

若干青霄移栽東窓前愛爾寒不凋病夫

卧相對日夕閑蕭蕭昨為山中樹今為簷

下條雖然遇賞翫無乃近塵囂猶勝澗谷

底埋沒隨衆樵不見鬱松委質山上苗

蘋小蒲葉短南湖春水生子近湖邊住靜

境稱高情我為郡司馬散拙無所營使君

知性野衙退任閑行行携小榼出逢花輒

獨傾半酣到子舍下馬扣柴荆何以引我

步繞籬竹萬莖何以醒我酒吳音吟一聲

須臾進野飯去復徘徊夕鴉已飛鳴何當

重遊此待君湖水平

詠意

嘗聞南華經功勞智憂愁不如无能者飽

食但邀遊平生愛慕道今日近此流自來

潯陽郡四序忽已周不分物黑白但與時

沉浮朝食夕安寢用是為身謀此外即閑

或吟詩一山水幽春遊慧遠寺秋上庾公樓

浩如虛舟富貴亦有苦在在心危憂貧賤

亦有樂在在身自由

食筍

此州乃竹鄉春筍滿山谷山夫折盈抱抱  
來早市鬻物以多為賤雙錢易一束置之  
炊餽中與飯同時孰紫籜拆故錦素肌筆  
新玉每日遂加食經時不思肉又為京洛  
客此味常不足且食勿踟躕南風吹作竹

遊石門澗

石門無舊徑披榛訪遺跡時逢山水秋清  
輝如古昔常聞慧遠輩題詩此岩壁雲覆  
莓苔封蒼然死處覓蕭疎野生竹崩剝多  
年石自從東晉後無復人遊歷獨有秋澗  
聲淅淅空旦夕

招東隣

小榼二升酒新簞六尺牀能來夜話否池

畔欲秋涼

題元十八溪亭

在君不喜仕又不遊州里今日到幽居了  
然知所以宿君石溪亭潺湲聲滿耳飲君  
螺盃酒醉卧不能起見君五老峯益悔居  
城市愛君三男兒始嘆身無子余方鑪峯  
下結室為居士山北與山東往來從此始  
香鑪峯下新置草堂即事詠懷題

於石上

香鑪峯北面遺愛寺西偏白石何鑿上清

流亦潺湲有松數十株有竹千餘竿松張  
翠傘蓋竹倚青琅玕其下死人居惜哉多

歲年有時聚猿鳥終日空風烟時有沉冥  
子姓白字樂天平生无所好見此心依然

如獲終老地忽乎不知還架岩結茅宇斲  
壑開茶園何以洗我耳屋頭落飛泉何以

淨我眼砌下生白蓮左手携一壺右手挈  
五絃傲然意自足箕踞於其間興酣仰天

歌中聊寄言言我本野夫誤為世網牽  
時來昔捧日老去今歸山倦鳥得茂樹涸  
魚反清源捨此欲焉往人間多險艱  
草堂前新開一池養魚種荷日有

淙三峽水浩萬頃陂未如新塘上微  
風動漣漪小萍加泛初蒲正離紅鯉  
二三寸白蓮入九枝遶水欲成徑護堤方  
插籬已被山客呼作白家池

白雲期

三十氣太壯育中多是非六十身太老四  
體不支持四十至五十正是退閑時年長  
識命分心庸少營為見酒興猶在登山力  
未衰吾年幸當此且與白雲期

登香鑪峯頂

迢香鑪峯心存耳目想終年牽物役今

日方一往攀蘿蹋危石手足勞俯仰同遊  
三四人兩人不敢上到峯之頂日眩神  
恍惚高低有萬尋闊狹牙數丈不窮視聽  
界焉識宇宙廣江水細如繩溢城小於掌  
紛吾何屑未能脫塵鞅歸去思自嗟低  
頭入蟻壤

荅崔侍郎錢舍人書問因繼以詩

旦暮兩蔬食日中一閑眠便是了一日如  
此已三年心不擇時適足不棟地安窮通  
與遠近一貫無兩端常見今之人其心或  
不然在勞則念息處靜已思喧如是用身  
心無乃自傷殘坐輸憂惱使安得形神全  
吾有二道友藹崔與錢同飛青雲路獨  
墮黃泥泉歲暮物萬變故情何不遷應為  
平生心與我同源帝鄉遠於日美人高  
在天誰謂萬里別常若在目前泥泉樂者



魚雲路遊者鸞勿言雲泥異同在逍遙間  
因君問心地書後偶成篇慎勿說向人  
多笑此言

烹葵

昨卧不夕食今起乃朝飢貧厨何所有炊  
稻烹秋葵紅粒香復軟綠英滑且肥飢來  
止於飽上後復何思上憶榮遇日迨今窮  
退時今亦不凍餒昔亦無餘資口既不減  
食身又不減衣撫心私自問何者是榮衰  
勿學常人意其間分是非

小池二首

晝倦前齋熱晚愛小池清映林餘景没近  
水微涼生坐把蒲葵扇閑吟三兩聲  
有意不在大湛上方丈餘荷側瀉清露萍  
開見游魚每一臨此坐憶歸青溪居  
弄龜兒

有姪始六歲字之為阿龜有女生二歲其  
名曰羅兒一始學笑語一能誦歌詩朝戲  
抱我足夜眠枕我衣汝生何其晚我年行  
已衰物情小可念人意老多慈酒美竟須  
壞月圓終有虧亦如恩愛緣乃是憂惱資  
舉世同此累吾安能去之

截樹

種樹當前軒樹高柯葉繁惜哉遠山色隱  
此朦朧間一朝持斧斤手自截其端萬葉  
落頭上千峯來面前忽似决雲霧豁達觀  
青天又如所念人父別一欸顏如有清風  
至稍見飛鳥還開懷東南望日遠心遼然  
人各有偏好物莫能兩全豈不愛柔條不  
如見青山

江畔百尺樓望江樓上作  
前千里道憑高望平遠亦

足舒懷抱驛路使憧上關防兵草上及茲  
多事日猶覺閑人好我年過不惑休退誠  
非早從此拂塵衣歸山未為老

閉關

我心忘世久世亦不我干遂成一無事因  
得常掩關掩關來幾時髣髴二三年著書  
已盈帙生子欲能言始悟身向老復悲世  
多艱迴顧趨時者役上塵壤間歲暮竟何  
得不如且安閑

題座隅

手不任執受肩不能荷勦量力揆所用曾  
不敵一夫幸因筆硯功得升仕進途歷官  
凡五六祿俸及妻奴左右有兼僕出入有  
單車自奉雖不厚亦不至飢餓若有人及  
此傍觀為何如雖賢亦為幸况我鄙且愚  
伯夷古賢人魯山亦其徒時哉無柰何俱

化為餓殍念彼益自愧不敢忘斯須平生  
榮利心被滅無遺餘猶恐塵妄起題此於  
座隅

昔與微之在朝日同蓄休退之心  
迨今十年淪落老大追尋前約且  
結後期

住子為御史伊余忝拾遺皆逢盛明代俱  
登清近司子繫玉為珮子曳綉為衣從容  
香烟下同侍白玉墀朝見寵者辱暮見安  
者危紛上無退者相顧令人悲宦情君早  
厭世事我深知常於榮顯日已約林泉期  
况今各流落身病齒髮衰不作卧雲計携  
手欲何之待君女嫁後及我官滿時稍無  
骨肉累粗有漁樵資歲晚青山路白首期  
同歸

垂釣

臨水一長嘯忽思十年初三笠甲乙第一  
入承明廬浮生多變化外事有盈虛今來  
伴江叟沙頭坐釣魚

晚燕

百鳥乳鷓畢秋燕獨蹉跎去社日已近  
泥意如何不候時節晚徒施功用多人間  
事亦爾不獨燕營窠

贖雞

清晨臨江望水禽正喧繁鳧鴈與鷓鴣游  
鵬戲朝暎適有鷺雞者挈之來遠村飛鳴  
彼何樂窘束此何冤嗟七十四鷓鴣罩縛同  
一樊足傷金距縮頭搶花冠翻經宿廢飲  
啄日高詣屠門遲迴未死間飢渴欲相吞  
常慕古人道仁信及魚豚見茲生惻隱贖  
放雙林園開籠解索時雞鳴聽我言與爾  
錘三百小惠何足論莫學啣環雀崎嶇謾

報恩

秋日懷杓直

曉來天色好獨出江邊步憶與李舍人曲  
江相近住常云遇清景必約同幽趣若不  
訪我來還須覓君去開眉笑相見把手期  
何處西寺老胡僧南園亂松樹携持小酒  
盃吟詠新詩句同出復同歸從朝直至暮  
風雨忽消散江山眇迴互潯陽與潯陽相  
望空雲霧心期自乖曠時景還如故今日  
郡齋中秋光誰共度

食後

食罷一覺睡起來兩甌茶舉頭看日影已  
復西南斜樂人惜日促憂人厭年賒無憂  
无樂者長短任生涯

齊物二首

青松高百丈綠蕙低數寸同生大塊間長

短各有分長者不可退短者不可進若用此理推窮通兩無悶

椿壽八千春槿花不經宿中間復何有冉冉孤生竹七身三年老竹色四時綠雖謝椿有餘猶勝槿不足

山中宿

獨到山中宿靜向月中行何處水邊碓夜春雲母聲

題舊寫真圖

我昔三十六寫貌在丹青我今四十六衰悴卧江城豈止十年老曾與眾苦并一照舊圖畫無復昔儀形七影默相顧如弟對老兄况使他人見能不昧平生義和鞭日走不為我少停形骸屬日月老去何足驚所恨凌烟閣不得畫功名  
閑居

肺病不飲酒眼昏不讀書端然无所作身意閑有餘雞栖籬落晚雪映林木踈幽獨已云極向必山中居

對酒示行簡

今旦一樽酒歡暢何怡七此樂從中來他人安得知兄弟唯二人遠別恒苦悲今春自巴峽萬里平安歸復有雙幼妹笄年未結褵昨日嫁娶畢良人皆可依憂念兩消釋如刀斷羈縻身輕心無繫忽如凌空飛人生苟有累食肉常如飢我心既無苦欲水亦可肥行簡勸爾酒停盃聽我詞不歎鄉國遠不嫌官祿微但願我與爾終老不相離

詠懷

冉求與顏淵卞和與馬遷或罹天六極或被入刑殘顧我信為幸百骸且完全五十

不為夭吾今欠數年知分心自足委順心  
常安故雖窮退日而無戚亡顏昔有榮先  
生從事於其間今我不量力舉心欲攀援  
窮通不由已歡戚不由天命即無柰何心  
可使泰然且務由己者省躬諒非難勿問  
由天者天高難與言

夜琴

蜀桐木性實楚絲音韻清調慢彈且緩夜  
深十數聲入耳淡死味愜心潜有情自弄  
還自罷亦不要人聽

山中獨吟

人各有一癖我癖在章句萬緣皆已銷此  
病獨未去每逢美景或對好親故高聲  
詠一篇恍若與神遇自為江上客半在山  
崖手攀青桂樹狂吟驚林壑猿鳥皆窺覷

恐為世所嗤故就無人處

達理二首

何物壯不老何時窮不通如彼音與律宛  
轉旋為宮我命獨何薄多悴而少豐當壯  
己先衰暫泰還長窮我无柰命何委順以  
得終命无柰我何方寸如虛空曹然與化  
俱混然與俗同誰能坐此苦齟齬於其中  
又

舒姑化為泉牛哀病作虎或柳生肘間或  
男變為女鳥獸及水木本不與民伍胡然  
生變遷不得死歸土百骸是已物尚不能  
為主况彼時命間倚伏何足數時來不可  
遏命去焉能取唯當養浩然吾聞達人語  
湖亭晚望殘水

湖上秋沈寥湖邊晚蕭瑟登亭望湖水  
縮湖底出清渟得早霜明滅浮殘日流注

隨地勢窪坳无定質泓澄白龍卧宛轉青  
蛇屈破鏡折劍頭光芒又非一久爲山水  
客見盡幽竒物及來湖亭望此狀難談悉  
乃知天地間勝事殊未畢

郭虛舟相訪

朝暖就南軒暮寒歸後屋晚酒一兩盃夜  
棋三數局寒灰埋暗火曉燭凝殘燭不嫌  
貧冷人時來同一宿

白氏長慶集卷之七



蘭雪齋書

白氏長慶集卷之八  
長慶二年七月自中書舍人出守

杭州路次藍溪作

太原一男子自顧庸且鄙老逢不次恩洗  
拔出泥滓旣居可言地願助朝廷理伏閤  
三上章驚愚不稱旨聖人存大體優貸容  
不死鳳詔停舍人魚書除刺史寘懷齊寵  
辱委順隨行止我自得此心于茲十年矣  
餘杭乃名郡郭臨江泥已想海門山朝  
聲來入耳昔予貞元末羈旅曾遊此甚覺  
太守尊亦諳魚酒美因生江海興每羨滄  
浪水尚擬拂衣行况今兼祿仕青山峯巒  
接白日烟塵起東道旣不通改轅遂南指  
自秦窮楚越浩蕩五千里聞有賢主人而  
多好山水是行頗爲愜所歷良可紀策馬  
度藍溪勝遊從此始

朝從紫禁歸。暮出青門去。勿言城東陌。便是江南路。揚鞭簇車馬。揮手辭親故。我生本無鄉。心安是歸處。

過駱山人野居小池

茅覆環堵亭。泉添方丈沼。紅芳照水荷。白頸觀魚鳥。拳石苔蒼翠。尺波烟杪杪。但問有意无。勿論池大小。門前車馬路。奔走無昏曉。名利驅人心。賢愚同擾擾。善哉駱處士。安置身心了。何乃獨多君。丘園居者少。

宿清源寺

往謫潯陽去。夜憇輞溪曲。今為錢塘行。重經茲寺宿。爾來幾何歲。溪草二八綠。不見舊房僧。蒼然新樹木。虛空走日月。世界遷陵谷。我生寄其間。孰能逃倚伏。隨緣又南去。好在東廊竹。

宿藍橋對月

昨夜鳳池頭。今夜藍溪口。明月本無心。行人不自迴。首新秋松影下。半夜鍾聲後。清影不宜昏。聊將茶代酒。

自望秦赴五松驛馬上偶睡上覺成吟

長途發已久。前館行未至。體倦日已昏。瞋然遂成睡。右袂尚垂鞭。左手暫委轡。忽覺問僕夫。纔行百步地。形神分處所。遲速相乖異。馬上幾多時。夢中無限事。誠哉達人語。百齡同一寐。

鄧州路中作

蕭上誰家林。秋梨葉半拆。漠上誰家園。秋韭花初白。路逢故里物。使我嗟行役。不歸渭北村。又作江南客。去鄉徒自苦。濟世終無益。自問波上萍。何如澗中石。

朱藤杖紫驄吟

拄上山之上。騎下山之下。江州去日朱藤杖。忠州歸日紫驄馬。天生二物濟我窮。我生合是栖此者。

皆前下馬時。梁上題詩處。慘澹病使君。蕭疎老松樹。自嗟還自哂。又向杭州去。

我愛此山頭。及此三登歷。紫霞舊精舍。寥落空泉石。朝市日喧隘。雲林長悄寂。猶存住寺僧。肯有歸山客。

昔君烏紗帽。贈我白頭翁。帽今在頂上。君已歸泉中。物故猶堪用。人亡不可逢。岐山今夜月。墳樹正秋風。思竹窓。

不憶西省松。不憶南宮菊。唯憶新昌堂。蕭蕭北窓竹。窓間枕簟在。來後何人宿。

處世非不遇。榮身頗有餘。勳為上柱國。爵乃朝大夫。自問有何才。兩入承明廬。又問

有向政。再駕朱輪車。矧予東山人。自性朴且疎。彈琴復有酒。但慕嵇阮徒。闇被鄉里

薦。誤上賢能書。一列朝士籍。遂為世網拘。高有罾繳憂。下有陷穿虞。每覺宇宙窄。未嘗

有心體。舒蹉跎。二十年。領下生白鬚。何言左迂去。尚獲專城居。杭州五千里。往若投

淵魚。雖未脫簪組。且來泛江湖。吳中多詩人。亦不少酒法。高聲詠篇什。大笑飛盃盃。

五十未全老。尚可且歡娛。用茲送日月。君以爲何如。秋風起江上。白日落路隅。迴首

語五馬去矣。勿踟躕。



秋蝶

秋花紫蒙。秋蝶黃茸。花低蝶新。小飛  
戲叢西。東日暮涼。風來紛。花落藪。夜深  
白露冷。蝶已死。叢中朝生夕俱死。氣類各  
相從。不見千年鶴。多棲百丈松。

登高山最高頂

高此此山頂。四望唯烟雲。下有一條路。通  
達楚與秦。或名誘其心。或利牽其身。乘者  
及負者。來去何紘。我亦斯人。徒未能出  
囂塵。七年三往復。何得笑他人。

枯桑

道傍老枯樹。枯來非一朝。皮黃外尚活。心  
黑中先焦。有似多憂者。非因外火燒。

山路偶興

筋力未全衰。僕馬不至弱。又多山水趣。心  
賞非寂寞。捫蘿上烟嶺。蹋石穿雲壑。谷鳥

晚仍啼洞花。秋不落提籠。復携榼。遇勝時  
停泊。泉憇茶。數甌嵐行酒。一酌獨吟還。獨  
嘯此興殊未惡。假使在城時。終年有何樂。

山雉

五步一啄。草上無罾。繳梁下無鷹。鷗。雌雄  
哉。山梁雉。梁上無罾。繳梁下無鷹。鷗。雌雄  
與羣雞。皆得終天年。嗟上籠下雞。及彼池  
中鴈。既有稻梁恩。必有犧牲患。

秋水淅紅粒。初下漢江舟。中作寄兩省。給舍  
臥安達。晨上無朝謁。勞夜無直宿。勤不知  
兩掖客。向似扁舟人。尚想到郡日。且稱守

土臣。猶須副憂。寄恤隱安。疲民葺年。庶報  
政三年。當退身。終使滄浪水。濯吾纓。上塵

江從西南來。浩无旦夕長。波逐若瀉連。

自蜀江至洞庭湖口有感而作

山鑿如劈千年不擁潰萬姓无墊溺不爾  
民爲魚大哉禹之績導岷旣艱遠距海無  
咫尺胡爲不訖功餘水斯委積洞庭與青  
草大小兩相敵混合萬丈深森茫千里白  
每歲秋夏時浩大吞七澤水族窟穴多農  
人土地窄我今尚嗟嘆禹豈不愛惜邈未  
究其由想古觀遺跡疑此苗人頑恃險不  
終役帝亦無柰何留患與今昔水流天地  
內如身有血脉滯則爲疽疣治之在鍼石  
安得禹復生爲唐水官伯手提倚天劍重  
來親指畫疏流似剪紙决壅同裂帛參作  
膏腴田踏平魚鱉宅龍宮變閭里水府生  
禾麥坐添百萬戶書我司徒籍  
初領郡政衙退登東樓作  
鰥惻心所念簡牘手自操何言符竹貴未  
免州縣勞賴是餘杭郡臺榭遶官曹凌晨

親政事向晚恣遊遨山冷微有雪波平未  
生濤水心如鏡面千里無纖毫直下江最  
闊近東樓更高煩襟與滯念一望皆遁逃  
清調吟

索上風戒寒沉日上藏耀勸君飲濁醪聽  
我吟清調芳節變窮陰朝光成夕照與君  
生此世不合長年少今晨從此過明日安  
能料若不結跏禪即須開口笑

狂歌詞

明日照君席白露霑我衣勸君酒盃滿聽  
我狂歌詞五十已後衰二十已前痴晝夜  
又分半其間幾何時生前不歡樂死後有  
餘貲焉用黃墟下珠衾玉匣爲

郡亭

平旦起視事亭午卧掩關除親簿領外多  
在琴書前况有虛白亭坐見海門山潮來

一凭檻賓至一開筵終朝對雲水有時聽  
管絃持此聊過日非忙亦非閑山林本寂  
寞朝闕空喧煩唯茲郡閣內器靜得中間  
詠懷

昔為鳳閣郎今為二千石自覺不如今人  
言不如此昔上雖居近密終日多憂惕有詩  
不敢吟有酒不敢喫今雖在疎遠竟歲無  
牽役飽食坐終朝長歌醉通夕人生百年  
內疾速如過隙先務身安閑次要心歡適  
事有得而失物有損而益所以見道人觀  
心不觀跡

立春後五日

立春後五日春態紛婀娜白日斜漸長碧  
雲低欲墮殘冰折玉片新萼排紅顆遇物  
盡欣上愛春非獨我迎芳後園立就暖前  
簷坐還有惆悵心欲別紅爐火

郡中即事

漫上潮初平熙熙春日空闊遠江山晴  
明好天氣外有適意物中無繫心事數篇  
對竹吟一盃望雲醉行携杖扶力卧讀書  
取睡上養病形骸深諳閑氣味遙思九城  
陌擾上趨名利今朝是隻日朝謁多軒騎  
寵者防悔猶權者懷憂畏為報高車蓋恐  
非真富貴

郡齋暇日辱常州陳郎中使君早  
春晚坐水西館書事詩十六韻見

寄亦以十六韻酌之

新年多暇日晏起褰簾坐睡足心更慵日  
高頭未裹徐傾下藥酒稍熱煎茶火誰伴  
寂寥身無絃琴在左遙思毘陵館春深物  
婀娜波拂黃柳梢風搖白梅朶衙門排曉  
戟鈴閣開朝鎖太守水西來朱衣垂素舸

良晨不易得佳會无由果五馬正相望雙  
魚忽前墮魚中獲瑰寶持翫何磊砢一百  
六十字字上靈珠顆上申心欵曲下叙時  
轅軻才富不如君道孤還似我敢辭官遠  
慢且貴身安妥勿復問榮枯冥心無不可  
官舍

高樹換新葉陰上覆地隅何言太守宅有  
似幽人居太守卧其下閑慵兩有餘起嘗  
一甌茗行讀一卷書早梅結青實殘櫻落  
紅珠稚女弄庭果嬉戲牽人裾是日晚彌  
靜巢禽下相呼噴上護兒鵲啞上母子烏  
豈唯云鳥爾吾亦引吾雛

吾雛字阿羅阿羅纔七齡嗟吾不才子怜  
汝无弟兄撫養雖驕駭性識頗聰明學母  
畫眉樣効吾詠詩聲我齒今欲墮汝齒昨

始生我頭髮盡落汝頂髻初成老幼不相  
待父衰汝孩嬰緬想古人心茲愛亦不輕  
蔡邕念文姬于公嘆緹縈敢求得汝力但  
未忘父情

題小橋前新竹招客

鴈齒小虹橋垂簷低白屋橋前何所有蒹

葦新生竹皮開折褐錦節露抽青玉筠翠  
如可食粉霜不忍觸閑吟聲未已幽翫心

難足管領好風烟輕欺凡草木誰能有月  
夜伴我林中宿為君傾一盃狂歌竹枝曲

病中逢秋招客夜酌

不見詩酒客卧來半月餘合和新藥草尋

檢舊方書晚霽烟景度早涼窓戶虛雪生  
衰髮久秋入病心初卧簾蘄竹冷風襟印

葛踈夜來身校健小飲復何如  
食飽

食飽拂枕卧睡足起閑吟淺酌一盃酒緩  
彈數聲琴既可暢情性亦足傲光陰誰知  
利名盡死復長安心

嚴十八郎中在郡日改制東南樓

因各清輝未立標榜徵歸郎署予  
既到郡性愛樓居宴遊其間頗有

幽致聊成十韻兼戲寄嚴

嚴郎制茲樓立名曰清輝未及署花榜遽

徵還粉闌去來三四年塵土登者稀今春

新太守掃洒施簾幃院柳烟婀娜簷花雪

霏微看山倚前戶待月闌東扉碧窓曼

瑟朱欄飄舞衣燒香卷幕坐風燕雙上飛

君作不得住我來幸因依始知天地間靈  
境有所歸

南亭對酒送春

含桃實已落紅薇花尚薰卉上三月盡晚

鶯城上聞獨持一盃酒南亭送殘春半酣  
忽長歌上中何所云我五十餘未是苦

老人刺史二千石亦不為賤貧天下三品

官多老於我身同年登第者零落无一分

親故半為鬼童僕多見孫念此聊自解逢

酒且歡欣

翫新庭樹因詠所懷

霽二四月初新樹葉成陰動搖風景麗蓋

覆庭院深下有死事人竟日此幽尋豈唯

翫時物亦可開煩襟時與道人語或聽詩

客吟度春足芳色入夜多鳴禽偶得幽閑

境遂忘塵俗心始知真隱者不必在山林

仲夏齋戒月

仲夏齋戒月三旬斷腥羶自覺心骨爽行

起身翮上始知絕粒人四體更輕便初能

脫病患必成神仙禦寇馭冷風赤松遊

紫烟常疑此說謬今乃知其然我年過半  
百氣衰神不全已垂兩鬢絲難補三丹田  
但減葷血味稍結清淨緣脫巾且修養聊  
以終天年

除官去未間

除官去未間半月恣遊討朝尋霞外寺暮  
宿波上島新樹少於松平湖半連草躋攀  
有次第賞翫無昏早有時騎馬醉兀兀冥  
天造窮通與生死其柰吾懷抱江山信為  
美齒髮行將老在郡誠未厭歸鄉去亦好

三年為刺史二首

三年為刺史無政在人口唯向郡城中題  
詩十餘首慙非甘棠詠豈有思人否  
三年為刺史飲冰復食蘖唯向天竺山取  
得兩片石此抵有千金無乃傷清白

別萱桂

使君竟不住萱桂徒栽種桂有留人名萱  
無忘憂用不如江畔月步上來相送

自餘杭歸宿淮口作

為郡已多暇猶少勤吏職罷郡更安閑無  
所勞心力舟行明月下夜泊清淮北豈止  
吾一身舉家同燕息三年請祿俸頗有餘  
衣食乃至童僕間皆無凍餒色行弄雲  
水步上近鄉國妻子在我前琴書在我側  
此外吾不知於焉心自得

舟中李山人訪宿

日暮舟悄烟生水沉何以延宿客夜  
酒與秋琴來客道門子來自嵩高岑軒  
舉雲貌豁然開青襟得意言語斷入玄滋  
味深默然相顧哂心適而忘心

洛下卜居

三年典郡歸所得非金帛天竺石兩片華

亭鶴一隻飲啄供稻梁包裹用茵席誠知  
是勞費其柰心愛惜遠從餘杭郭同到洛  
陽陌下擔拂雲根開籠展霜翻貞姿不可  
雜高性宜其適遂就无塵坊仍求有水宅  
東南得幽境樹老寒泉碧池畔多竹陰門  
前少人跡未請中庶祿且脫雙驂易豈獨  
為身謀安吾鶴與石  
洛中偶作

五年職翰林四年蒞潯陽一年巴郡守半  
年南宮郎二年直綸閣三年刺史堂凡此  
十五載有詩千餘章境與周萬象土風備  
四方獨無洛中作能不心恨上今為春官  
長始來遊此鄉徘徊伊澗上睥睨嵩少傍  
遇物輒一詠一詠傾一觴筆下成釋憾卷  
中同補仁往七顧自哂眼昏鬚髮蒼不知  
老將至猶自放詩狂

贈崔少府

籍甚二十年今日方欵顏相送嵩洛下論  
心孟酒間河亞懶出入府寮多閉關蒼髮  
彼此老白日尋常閑朝欲携手出暮思聯  
騎還何當挈一榼同宿龍門山

移居

移家入新宅罷郡有餘資既可避燥濕復  
免憂寒飢疾平未還假官閑得分司幸有  
祿俸在而無職役羈清旦盍漱畢開軒卷  
簾幃家人及雞犬隨我亦熙熙取興或寄  
酒放情不過詩何必苦脩道此即是無為  
外累信已遣中懷時有思有思一何遠默  
坐低雙眉十載囚竄客萬里征戍兒春朝  
鏢籠鳥冬夜支床龜驛馬走四蹄痛酸無  
歇期磴牛封兩日閣閉何人知誰能放脫  
去四散任所之各得適其性如吾今日時

置琴曲几琴上慵坐但含情何煩故揮弄風  
絃自有聲鶴

人各有所好物固無常宜誰謂爾能舞不  
如閑立時

自詠

夜鏡隱白髮朝酒發紅顏可伶假年少自  
笑須臾間朱顏賤如土不解燒為丹玄髮  
化為雪未聞休得官咄哉箇丈夫心性何  
墮頑但遇詩中仙引滿飲一盞盡忘身外緣  
吟似得詩中仙引滿飲一盞盡忘身外緣  
昔有醉先生席地而幕天於今居處在許  
我當中眠七罷又一酌七罷又一篇迴面  
顧妻子生計方落七然誠知此事非又過知  
非年豈不欲自改七即心不安且向安處

去其餘皆老閑

林下閑步寄皇甫庶子

扶杖起病初策馬立未任既懶出門去亦  
無客來尋以此遂成閑七步遶園林天曉  
烟景淡樹寒鳥雀深一酌池上酒數聲竹  
間吟寄言東曹長當知幽獨心

晏起

鳥鳴庭樹上日照屋簷時老去慵轉極寒  
來起猶遲厚薄被適性高低枕得宜神安  
體穩暖此味何人知睡足仰面坐兀然无  
所思如未鑿七竅若都遺四肢緬想長安  
客早朝霜滿衣彼此各自適不知誰是非

池畔二首

結構池西廊疏理池東樹此意人不知欲  
為待月處  
持刀間密竹竹少風來多此意人不會欲



令池有波

春葺新居

江州司馬曰忠州刺史時栽松滿後院種  
柳蔭前墀彼皆非吾土栽種尚忘疲况茲  
是我宅葺藝固其宜平日領僕使乘春親  
指揮移花夾暖室洗竹覆寒池匕水變綠  
色池芳動清輝尋芳弄水坐盡日心熙匕  
一物苟可適萬緣都若遺設如宅門外有

事吾不知

贈言

捧籛獻千金彼金何足道臨觴贈一言此  
言真可寶流光我已晚適意君不早况君  
春風面柔促如芳草不得十年好胡為坐  
衰老鏡中桃李色不得十年好胡為坐  
脉不肯傾懷抱泛春池

白蘋湘渚曲綠篠剡溪口各在天一涯信  
美非吾有向如此庭內水竹交左右霜竹  
百千竿烟波六七畝泓澄動塔砌淡泞映  
戶牖蛇皮細有文鏡面清无垢主人過橋  
來雙童扶一叟恐汚清冷波塵纓先抖擻  
波上一葉舟舟中一樽酒匕開舟不繫去  
去隨所偶或繞蒲浦前或泊桃島後未撥  
落盃花低衝拂面柳半酣迷所在倚榜兀  
迴首不知此何處復是人寰否誰知始疏  
鑿幾主相傳授楊家去云遠田氏將非久  
天與愛水人終焉落吾手

白氏長慶集卷之九

西明寺牡丹花時憶元九

前年題名處今日看花來一作芸香吏三  
見牡丹開豈獨花堪惜方知老暗催何况  
尋花伴東都去未回詎知紅芳側春盡思  
悠哉

傷楊弘真

顏子昔知命仲尼惜其賢揚生亦好學不  
幸復徒然誰識天地意獨與龜蛇年

呈李司錄

夏閏秋侯早七月風騷上渭川烟景晚驪

山宮殿高丹殿子司諫赤縣我徒勞相去

半月程不得同遊遨到官來十日覽鏡生

二毛可憐趨走吏塵土滿青袍郵傳擁兩

驛簿書堆六曹為問綱紀掾何必使鉛刀

新栽竹

佐邑意不適，閑門秋草生。何以娛野性，種竹百餘莖。見此溪上色，憶得山中情。有時公事暇，盡日繞闌行。勿言根未固，勿言陰未成。已覺庭宇內，稍<sub>匕</sub>有餘清。最愛近窓卧，秋風枝有聲。

秋霖中過尹縱之仙游山居

慘<sub>匕</sub>八月暮，連<sub>匕</sub>三日霖。邑居尚愁寂，况乃在山林。林下有志士，苦學惜光陰。歲晚千萬慮，併入方寸心。岩鳥共旅宿，草蟲伴愁吟。秋天床席冷，雨夜燈火深。憐君寂寞意，携酒一相尋。

寄江南兄弟

分散骨肉戀，趨馳名利牽。一奔塵埃馬，一洗風波船。忽憶分首時，惘然秋風前。別來朝復夕，積日成七年。

上天登樓東南望，鳥滅烟蒼然。相去復幾許，道里近三千。平地猶難見，况乃隔山川。

曲江早秋

秋波紅蓼水，夕照青蕪岸。獨信馬蹄行，曲江池四畔。早涼晴後至，殘暑暝來散。方喜炎燠銷，復嗟時節換。我年三十六，冉<sub>匕</sub>昏復<sub>旦</sub>。人壽七十稀，七十新過半。且當對酒笑，勿起臨風歎。

寄題盤屋廳前雙松

憶昨為吏日，折腰多苦辛。歸家不自適，無計慰心神。手栽兩樹松，聊以當嘉賓。乘春日一往，生意漸欣欣。清韻度秋在，綠茸隨日新。始憐澗底色，不憶城中春。有時晝掩關，雙影對一身。盡日不寂寞，意中如三人。忽奉宣室詔，徵為文苑臣。閑來一惆悵，長似別交親。早知烟翠前，攀翫不逡巡。悔從

白雲裏移爾落罽塵

翰林院中感秋懷王質夫

何處感時節新蟬禁中聞宮槐有秋意風  
夕花紛上寄跡鴛鴦行歸心鷗鶴羣唯有  
王居士知子憶白雲何日仙遊寺潭前秋  
見君

禁中月

海上明月出禁中清夜長東南樓殿白稍  
稍上宮牆淨落金塘水明浮玉砌霜不比  
人間見塵土汚清光

贈賣松者

一束蒼色知從澗底來斲掘經幾日枝  
葉滿塵埃不買非他意城中無地栽

初見白髮

白髮生一莖朝來明鏡裏勿言一莖少滿  
頭從此始青山方遠別黃綬初從仕未料

容髮間蹉跎忽如此

別元九後詠所懷

零落桐葉雨蕭條槿花風悠々早秋意生  
此幽閑中况與故人別中懷正無怵勿云  
不相送心到青門東相知豈在多但問同  
不同同心一人去坐覺長安空

禁中秋宿

風翻朱裏幕雨冷通中枕耿々背斜燈秋  
床一人寢

早秋曲江感懷

離々暑雲散嬾々涼風起池上秋又來荷  
花半成子朱顏自銷歇白日无窮已人壽  
不如山年光急於水青蕪與紅蓼歲々秋  
相似去歲此悲秋今秋復來此

寄元九

身為近密拘心為名檢縛月夜與花時少

逢盃酒樂唯元夫子閑來同一酌把手  
或酣歌展眉時笑謔今春除御史前月之  
東洛別來未開顏塵埃滿樽杓蕙風晚香  
盡槐雨餘花落秋意一蕭條離客兩寂寞  
况隨白日老共負青山約誰識相念心  
鷹與籠鶴

春暮寄元九

梨花結成實燕卵化為雛時物又若此道  
情復何如但覺日月促不嗟年歲徂浮生  
都是夢老小亦何殊唯與故人別江陵初  
謫居時一相見此意未全除

早梳頭

夜沐早梳頭窓明秋鏡曉颯然屋中髮一  
沐知一少年事漸蹉跎世緣方繳繞不學  
空門法老病何由了未得無生心白頭亦  
爲夭

出關路

山川函谷路塵土遊子顏蕭條去國意秋  
風生故關

別舍弟後月夜

悄七初別夜去住兩盤桓行子孤燈店居  
人明月軒平生共貧苦未必日成歡及此  
暫爲別懷抱已憂煩况是庭葉盡復思山  
路寒如何爲不念馬瘦衣裳單

新豐路逢故人

塵土長路晚風烟廢宮秋相逢立馬語盡  
日此橋頭知君不得意鬱七來西遊惆悵  
新豐店何人識馬周

金鑿子碎日

行年欲四十有女曰金鑿生來始周歲學  
坐未能言慙非達者懷未免俗情憐從此  
累身外徒云慰目前若無夭折患則有婚

嫁牽使我歸山計應遲十五年

青龍寺早夏

塵埃經小雨地高倚長坡日西寺門外景  
氣含清和閑有老僧立靜死九客過殘鶯  
意思盡新葉陰涼多春去來幾日夏雲忽  
峩峩朝上感時節年髮暗蹉跎胡為戀朝  
市不去歸烟蘿青山寸步地自問心如何

秋題牡丹叢

晚叢白露夕衰葉涼風朝紅艷久已歇碧  
芳今亦銷幽人坐相對心事共蕭條

勸酒寄元九

薤葉有朝露槿枝無宿花君今亦如此促  
促生有涯既不逐禪僧林下學楞伽又不  
隨道士山中煉丹砂百年夜分半一歲春  
無多何不飲美酒胡然自悲嗟俗號銷愁  
藥神速无以加一盃驅世慮兩盃反天和

三盃即酩酊或笑任狂歌陶上復元上吾  
孰知其他况在名利途平生有風波深心  
藏陷穿巧言織網羅舉目非不見不醉欲  
如何

曲江感秋

沙草新雨地岸柳涼風枝三年感秋意併  
在曲江池早蟬已嘹唳晚荷復離披前秋  
去秋思一上生此時昔人三十二秋興已  
云悲我今欲四十秋懷亦可知歲月不虛  
設此身隨日衰暗老不自覺直到鬢成絲

酌張太祝晚秋卧病見寄

高才淹禮寺短羽翔禁林西街居處遠北

闕官曹深君病不來訪我忙難往尋差池

終日別寥落經年心露濕綠蕪地月寒紅

樹陰况茲獨愁夕聞彼相思吟上歎言笑

阻下嗟時歲侵容衰曉窓鏡思苦秋絃琴

白長安文集卷之九

一章錦繡段八韻瓊瑤音何以報珍重慙無雙南金

下馬柳陰下立秋日曲江憶元九獨上堤上行故人千萬里新

蟬三兩聲城中曲江水江上江陵城兩地新秋思應同此日情

長安盈尺雪早朝賀雪寄陳山人早朝賀君喜將赴銀臺門始

出北行寒風吹破耳待漏五門外候對三

殿裏鬚髮凍生冰衣裳冷如水忽思仙游

谷暗謝陳居士暖覆褐裘眠日高應未起

初與元九別後忽夢見之及寤而書適至兼寄桐花詩悵然感懷因

求壽寺中語以此寄新昌坊北分歸來數行淚悲

事不悲君悠藍田路自去無消息計君食宿程已過商山北昨夜雲四散千里同

月色曉來夢見君應是君相憶夢中握君

手問君意何如君言苦相憶無人可寄書

覺來未及說叩門聲驚起顛倒着衣裳開緘君書一封枕上忽驚起顛倒着衣裳開緘

見手扎一紙十三行上論遷謫心下說離別腸心腸都未盡不暇叙炎涼云作此書

夜上宿商州東獨對孤燈坐陽城山館中

夜深作書畢山月向西斜月前何所有一

樹紫桐花桐花半落時復道正相思殷勤

書背後兼寄桐花詩桐花詩八韻思緒一

何深以我今朝意憶君此夜心一章三遍

讀一句十迴吟珍重八十字字上化為金

美人別君去自去無處尋舊物零落盡此

和元九悼往

情安可任，唯有纈紗幌，塵埃日夜侵，馨香與顏色，不似舊時深，透影燈耿，籠光月沉，上中有孤眠，客秋涼生，夜衾舊宅，牡丹院新墳，松柏林，夢中咸陽淚，覺後江陵心，舍此隔年恨，發為中夜吟，死無論君自感，聞者欲沾襟。

重到渭上舊居

舊居清渭曲，開門當蔡渡，十年方一還，幾欲迷歸路，追思昔日行，感傷故游處，插柳作高林，種桃成老樹，因驚成人者，盡是舊童孺，試問舊老人，半為繞村墓，浮生同過客，前後迺來去，白日如弄珠，出沒光不住，人物日改變，舉目悲所遇，迴念我身安，得不衰暮，朱顏銷不歇，白髮生無數，唯有山門外，三峯色如故，白髮。

白髮知時節，暗與我有期，今朝日陽裏，梳落數莖絲，家人不慣見，憫默為我悲，我云何足恠，此意爾不知，凡人年三十，外壯中已衰，但思寢食味，已減二十時，况我今四十，本來形貌羸，書魔昏兩眼，酒病沉四肢，親愛日零落，在者仍別離，身心如此白，髮生已遲，由來生老死，三病長相隨，除却念無生，人間無藥治。

池殘寥落水，窻下悠揚日，嫋嫋秋風多，槐花半成實，下有獨立人，年來四十一，將之饒州江浦夜泊。

明月滿深浦，愁人卧孤舟，煩寃寢不得，夏夜長於秋，苦乏衣食資，遠為江海遊，光陰坐遲暮，鄉國行阻脩，身病向鄱陽，家貧寄徐州，前事與後事，豈堪心併憂，憂來起長



望但見江水流雲對靄蒼  
烟波淡悠  
故園迷處所一念堪白頭

思歸

養無晨昏膳隱无伏臘資  
遂求及親祿備  
俛來京師薄俸未及親  
別家已經時冬積  
温席戀春違採蘭期  
夏至一陰生稍夕  
漏運塊然抱愁者  
夜長獨先知悠上鄉關  
路夢去身不隨坐惜時  
節變蟬鳴槐花枝

冀城北原作

野色何莽蒼秋聲亦蕭疎  
風吹黃埃起落  
日驅征車何代此開國  
封疆百里餘古今  
不相待朝市無常居  
昔人城邑中今變為  
丘墟昔人墓田中  
今化為里問廢興相催  
迫日月互居諸世變  
無遺風焉能知其初  
行人千載後懷古空躊躇  
客路感秋寄明準上人

日暮天地冷雨霽山河清  
長風從西來草木  
凝秋聲已感歲倏忽  
復傷物凋零孰能  
不惜悽天時牽人情  
借問空門子何法  
易修行使我忘得心  
不教煩惱生

遊襄陽懷孟浩然

楚山碧岩上漢水碧湯上  
秀氣結成象孟

氏之文章今我調遺文  
思人至其鄉清風  
無人繼日暮空襄陽  
南望鹿門山藹藹若  
有餘芳舊隱不知處  
雲深樹蒼上

秋暮西歸途中書情

耿七旅燈下愁多常少  
眠思鄉貴早發發  
在雞鳴前九月草木  
落平蕪連遠山秋陰  
和曙色萬木蒼上然  
去秋偶東遊今秋始  
西旋馬瘦衣裳破別  
家來二年憶歸復愁  
歸歸無一囊錢心雖  
非蘭膏安得不自燃  
秋懷

月出照北堂  
光華滿堦墀  
涼風從西至  
草木日夜衰  
桐柳減綠陰  
蕙蘭銷碧滋  
感物私自念  
我心亦如石  
火為樂常苦遲

倦鳥暮歸林  
浮雲晴歸山  
獨有行路子  
悠

雖不知還人  
生苦營營終日  
羣動間所務  
秦關離憂繞  
心曲宛轉如  
循環且持一盃  
酒聊以開愁顏

題贈定光上人

二十身出家  
四十心離塵  
得徑入大道  
乘此不退輪  
一坐十五年  
林下秋復春  
春花與秋氣  
不感無情人  
我來如有悟  
潛以心日照  
身誤落聞見  
中憂喜傷形  
神安得遺耳  
目冥然反其真

祇役駱口驛  
喜蕭侍御書  
至兼觀新詩  
吟諷通宵  
因寄八韻

日暮心無  
與新詩并  
是時天無  
雲山館有  
月明月下  
讀數遍風  
前吟一聲  
吟三四歎  
聲盡有餘  
清雅哉君  
子文詠性  
不詠情使  
我靈府中  
鄙悵不得  
生始知聽  
韶濩可使  
心和平

低腰復斂  
手心體不  
遑安一落  
風塵下方  
知為吏難  
公事與日  
長宦情隨  
歲闌惆悵  
青袍袖芸  
香死半殘  
賴有李夫  
子此懷聊  
自寬兩心  
如止水彼  
此死波瀾  
往七簿書  
暇相勸強  
為歡白馬  
曉蹋雪綠  
觴春暖寒  
戀月夜同  
宿愛山晴  
共看野性  
自相近不  
是為同官  
留別

秋涼卷朝簾春暖撤夜衾雖是無情物欲  
別尚沉吟況與有情別上隨情淺深二年  
歡笑意一旦東西心獨留誠可念同行力  
不任前事詎能料後期諒難尋唯有潺湲  
淚不惜共沾襟曉別

曉鼓聲已半離筵坐難久請君斷腸歌送  
我和淚酒月落欲明前馬嘶初別後浩上  
暗塵中北園何由見迴首

北園東風起雜花次第開心知須臾落一  
日三四來花下豈無酒欲酌復遲迴所思  
眇千里誰勸我一盃

惜楠李花  
樹小葉鮮妍香繁條軟弱高低二三尺重  
疊千萬萼朝艷藹霏上夕凋紛漠上辭枝

朱粉細覆地紅綃薄由來好顏色嘗苦易  
銷燦不見上蕩蕩花狂風吹不落

照鏡  
皎上青銅鏡斑上白絲髮豈復更藏年實  
年君不信新秋

西風飄一葉庭前颭已涼風池明月水衰  
蓮白露房其柰江南夜綿上自此長

夜雨  
早蛩啼復歇殘燈滅又明隔窓知夜雨芭  
蕉先有聲秋江送客

秋江送客

秋鴻次第過哀猿朝夕聞是日孤舟客此  
地亦離羣濛上潤衣雨漠上冒帆雲不醉  
潯陽酒烟波愁殺人

感逝寄遠

寄通州元侍御果州

唐書堂  
白氏文集卷之九  
昨日聞甲死今朝聞乙死知識三分中二分  
分化為鬼逝者不復見悲哉長已矣存者  
今如何去我皆萬里平生知心者屈指能  
有幾通果澧鳳州眇然四君子相思俱老  
大浮世如流水應嘆舊交游凋零日如此  
何當一盃酒開眼笑相視

秋月

夜初色蒼然夜深光浩然稍轉西廊下漸  
滿南窓前况是綠蕪地復茲清露天落葉  
聲策上驚鳥影翻上棲禽尚不穩愁人安  
可眠

白氏長慶集卷之九

